


陝西通志




第五十四卷

名宦五

僚佐

將弁

DS
793
S45S5
1735
v.54



陝西通志第五十四卷

名宦五 僚佐 將弁

僚佐

漢

張元字君夏河內河陽人建武初舉明經遷陳倉縣丞清淨無欲專心經書方其講問乃不食終日及有難者輒為張數家之說令擇所安諸儒皆伏其多通著錄千餘人元初為縣丞嘗以職事對府不知官曹處吏白門下責之時右扶風瑯邪徐業亦大儒也聞元諸生試引見之與語大驚曰今日相遭真解矇矣遂難問極日

後漢

書儒
林傳

郭基

京兆
督郵

永平初東平王蒼以至戚輔政開東閣延英雄班固奏記

說蒼曰京兆督郵郭基孝行著於州里經學稱於師門政務之績

有絕異之效如得及明時秉事下僚進有羽儀奮翮之用退有杞

梁一介之死

後漢書班固傳

北魏

李思穆字叔仁隴西狄道人爲京兆內史在郡八年頗有政績

魏書李寶

傳○按內史本秦官掌治京師漢時三輔未設分置左右內史者是也此內史與秦漢時不同只是僚佐耳

崔長文字景瀚清河鄆人少徙於代正始中雍州撫軍府長史以廉

慎稱

魏書崔光傳

柳慶字更興河東解人孝武八年遷大行臺郎中領北華州長史尋

兼雍州別駕廣陵王元欣魏之懿親其甥孟氏屢爲凶橫或有告

其盜牛慶捕推得實趣令就禁孟氏殊無懼容乃謂慶曰今若加

以桎梏後復何以脫之欣亦遣使辨其無罪孟氏繇此益驕慶於

是大集僚吏盛言孟氏依倚權威侵虐之狀言畢便令笞殺之此

後貴戚斂手不敢侵暴有賈人持金二十斤詣京師交易寄人停止常自執管鑰無何失之謂是人所竊郡縣訊問主人遂自誣服慶聞乃召問賈人曰頗與人同宿乎曰無與人同飲乎曰日者曾與一沙門再度酣宴醉而晝寢慶曰主人非盜也彼沙門乃盜耳即遣吏捕得盡獲所失之金十二年詔以慶爲計部郎中別駕如故有胡家被劫莫知賊所被囚繫者甚多慶以賊徒既衆似是烏合既非舊交必相疑阻可以詐求之乃作匿名書榜官門曰我等共劫胡家徒侶混雜終恐泄露若聽先首免罪便欲來告慶乃復施免罪之榜居二日廣陽王家奴面縛自告榜下因此推窮盡獲黨與慶之守正明察皆此類也世宗時爲雍州別駕領京兆尹

本傳○按本傳失書魏帝年號以前後事推之當是大統間也

北周

樂運字承業南陽清陽人性方直未嘗求媚於人天和初起家夏州總管府倉曹叅軍建德二年除萬年縣丞抑挫豪右號稱彊直高祖嘉之特許通籍事有不便於時者令巨細奏聞仍超拜京兆郡

丞

周書顏之儀傳附

隋

長孫熾洛陽人建德二年授雍州倉城令尋轉蓋屋令頻宰二邑考

績連最及高祖受禪攝長安令與大興令梁毗俱為稱職然毗以

嚴正稱熾以寬平顯為政不同部內各化尋遷雍州贊治

隋書本傳

梁毗字景和安定烏氏人開皇初轉大興令遷雍州贊治直道而行

無所迴避

北史本傳

高構字孝基北海人遷雍州司馬以明斷見稱坐事左遷蓋屋令甚

有能名上善之復拜雍州司馬

北史本傳

韓則南陽人開皇中爲延州長史甚有惠政

隋書高構傳附

榮毗字子諶北平無終人開皇中以華陰多盜賊妙選長吏楊素薦爲華州長史世號爲能素田宅多在華陰左右放縱毗以法繩之無所寬貸毗因朝集素謂之曰舉卿適以自罰也毗答曰奉法一心但恐累公所舉時晉王在揚州密占京師消息遣張衡於路次置馬坊以畜牧爲辭實給私人也州縣莫敢違毗獨遏絕其事上

聞而嘉之

北史本傳

裴蘊河東聞喜人歷洋州刺史有能名大業初考績連最拜京兆贊

治發撻纖毫吏民懾憚

隋書本傳

骨儀天竺胡人性剛鯁開皇初爲御史煬帝嗣位遷尚書左司郎於時朝政漸亂貨賄公行而儀勵志守節介然獨立帝嘉其清苦超拜京兆郡丞公方彌著時京兆內史頗行詭道輒爲儀所執正

北史

陰壽
傳附

唐

張行成字德立定州義豐人擢制舉乙科改陳倉尉高祖謂吏部侍郎張銳曰今選吏豈無才用特達者朕將用之銳言行成調富平

主簿有能名

唐書
本傳

雲得臣武德七年為治中自龍門引河漑田六千餘頃

馬志

盧莊道擢甲科授長安尉太宗將錄囚徒京宰以莊道幼年懼不舉

欲以他尉代之莊道不從曰但閑暇不之省也時繫囚四百餘人

令丞深以為懼翼日太宗召囚莊道乃徐狀以進引諸囚入莊道

評其輕重留繫月日應對如神太宗驚異即日拜監察御史

大唐
新語

李義琰隴西人貞觀中為華陰縣尉縣忽失一人莫知所在其父兄

疑讐家所害詣縣陳情義琰案之不能決夜中執燭委細窮問據

案俛首不覺死人即至猶帶被傷之狀云某乙打殺置於某所并中公可早驗不然恐被移向他處不可尋覓義琰即親往果如所陳而讐家始具款伏當時聞見者莫不驚歎

法苑珠林

劉仁軌字正則尉氏人轉陳倉尉部人折衝都尉魯寧者豪縱犯法縣莫敢屈仁軌約不再犯而寧暴橫自如仁軌榜殺之州以聞太宗曰尉而殺吾折衝可乎對曰寧辱臣臣故殺之帝以爲剛直擢咸陽丞貞觀十四年校獵同州時秋斂未訖仁軌諫曰今茲澍澤霑足百穀熾茂收纔十二常日贊調已有所妨又供獵事繕橋治道役雖簡省猶不損數萬少延一旬使場圃畢勞陛下六飛徐驅

公私交泰璽書褒

內唐書本傳

鄭儋爲高陵縣尉平居廉靜號曰雲翁

賈志

劉延祐彭城人擢進士補渭南尉有吏能治第一李勣戒之曰子春

秋少而有美名宜稍自抑無爲出人上延祐欽納

白孔六帖

薛鼎蒲州汾陰人高宗時爲山南道副大使開屯田以實倉廩

舊志

裴琰之永徽中爲同州司戶叅軍年甚少不主曹務州刺史李崇義

內輕之鐫諭之曰同三輔吏事繁子盍求便官毋留此琰之唯唯

吏白積案數百崇義讓使趣斷琰之曰何至逼人乃命吏連紙進

筆爲省決一日畢興奪當理而筆詞勁妙崇義驚曰子何自晦成

吾過耶由是名動一州號霹靂手

白孔六帖

王珣字伯玉并州祁人天授初及進士第應制科遷藍田尉以拔萃

擢長安尉因進見武后召問刑政嘉之

唐書王方翼傳

盧齊卿幽州涿人長安初爲雍州叅軍武后詔長史薛季昶擇僚吏

堪爲御史者季昶訪於齊卿曰長安尉盧懷慎李休光萬年尉李

乂崔湜咸陽丞倪若水蓋屋尉田崇璧新豐尉崔日知季昶用其

言後皆爲通顯巨人

唐書盧承慶傳

陸大同爲雍州司田時安樂公主常溫等侵百姓田業大同盡斷還之長史懼謀出大同會將有事南郊時已十月長史乃舉牒令大同巡縣勸田疇冀搖動其案也大同判云南郊有事北陸已寒丁不在田人皆入室此時勸課切恐煩勞長史益不悅尋復爲雍州司倉長吏新興王晉附會太平多阿黨大同終不從因謂大同曰公何不別求好官大同曰某但守公直素無廊廟之望惟以雍州判佐爲好官晉不能屈

大唐新語

裴冕字章甫河東人以廕調渭南尉王鉷爲京畿採訪使表署判官明銳果於事衆號稱職鉷雅任之

唐書本傳

元結後魏常山王遵十五代孫舉進士第爲山南西道節度叅謀募義士於唐鄧汝蔡降劇賊五千瘞戰死露齒于泌南名曰哀邱又

叅山南東道來瑱府時有父母隨子在軍者結說瑱給以衣食瑱

納之瑱誅結攝領府事

唐書本傳

郎士元字君胄中山人舉進士詔試中書補渭南尉有政名爲右拾

遺

賈志

李澄并州汶水人舉明經高第自武功尉以政尤異遷主簿爲長安

尉天寶初舉美政

唐書本傳

陸贄字敬輿蘇州嘉興人第進士中博學宏辭調鄭尉罷歸以書判

拔萃補渭南尉德宗立遣黜陟使庾何等十一人行天下贄說使

者請以五術省風俗八計聽吏治三科登雋乂四賦經財實六德

保罷瘵五要簡官事時皆聽其言遷監察御史

唐書本傳

李夷簡爲鄭縣丞涇軍之亂有使走驢東去甚急夷簡入白刺史曰

聞京城有故此使必非朝命請執問之果朱泚使於朱滔者

國史補

李程字表臣襄邑恭王神符五世孫擢進士調藍田尉縣有滯獄十

年程單言輒判京兆狀最遷監察御史

唐書本傳

張造貞元中渭南尉度支欲砍取兩京道中槐樹造車更栽小樹先符牒渭南縣尉張造造批其牒曰近奉文牒令伐官槐若欲造車豈無良木恭惟此樹其來久遠東西列植南北成行輝映秦中光臨關外不惟用資行者抑亦曾蔭學徒拔本塞源雖有一時之利深根固蒂須存百代之規况神堯入關先駐此樹元宗幸嶽見立豐碑山川宛然原野未改且邵伯所憇尚自保全先皇舊遊寧宜翦伐思人愛樹詩有薄言運斧操斤情所未忍付司具狀牒上度支使仍具奏聞遂罷造尋入臺

國史補

陳南仲潁川人貞元十八年爲武功丞邑人宜之號爲簡靖

馬志

強循字季先鳳州人仕累雍州司士叅軍華原無泉人畜多渴死循

教人渠水以浸田一方利之號強公渠詔書褒予甚厚歷大理少

卿

唐書姜師度傳附

張署貞元中舉進士博學宏詞爲校書郎尋爲武功尉治有政績擢

監察御史

馬志

王緯字文卿并州太原人舉明經以書判入等歷長安尉居官以清

白稱

唐書本傳

郭行餘擢累京兆少尹嘗值尹劉栖楚不肯避栖楚捕導從繫之行

餘移書曰京兆府在漢時有尹有都尉有丞開元時諸王爲牧故

尹爲長史司馬即都尉丞耳今尹總牧務少尹副焉未聞道路間

有下車望塵避者故事猶在栖楚不能答

白孔六帖

劉潼字子固曹州南華人歷京兆少尹山南有劇賊依山爲剽宣宗

怒欲討之宰相崔鉉曰此陛下赤子迫於饑寒弄兵山谷間不足

討請遣使喻之詔潼馳往潼挺身直叩其壘曰有詔赦爾罪盜皆

列拜潼就館而降

唐書劉晏傳

薛公達播子寶鼎人擢進士第佐鳳翔軍會帥不文嘗集射設的高數十尺令曰中者酬錦與金一軍莫能中公達執弓矢揖曰請為公歡射三發連中眾大呼笑帥不喜乃自免去

唐書薛播傳

五代

邊蔚初仕後唐為華州記室莊宗伐蜀大軍出於華下時華方闕帥

詔令蔚權領軍府事供億軍需甚有幹濟之稱

冊府元龜

段思恭澤州晉城人以門廕奏署鎮國軍節度使官開運初出為華商等州觀察支使劉繼勳節度同州辟為掌書記繼勳入朝會契丹入汴軍士喧譟請立思恭為州帥思恭諭以禍福拒而弗從乃

止

宋史本傳

宋

种詡洛陽人初爲吏部令史調補長安主簿清白勤慎卒於官邸

馬志

周渭字得臣昭州恭城人乾德中通判興州州領置口砦多戍兵監

軍教狠縱其下爲暴居民苦之渭馳往諭以禍福斬其軍校衆皆

懾服詔書嘉獎命兼本砦鈐轄開寶元年鳳州七房冶主吏盜隱

官銀擇渭往代周歲羨課數倍賜緋魚

宋史本傳

何晝永新人開寶五年登進士第官鳳翔觀察推官以政事名

西江人物志

志

裴莊字端已閬中人以明經登第爲高陵縣主簿本府召權司理掾

轉運使雷德驤以威望自任嘗巡按至境官屬皆出迎候莊獨視

事本局徐謁道周德驤稱其有守徙權忻州錄事叅軍

宋史本傳

錢若水字澹成一字長卿河南新安人雍熙中舉進士釋褐同州觀

察推官聽決明允郡治賴之

宋史本傳

若水爲同州推官有富民家小

女奴逃亡不知所之奴父母訟於州命錄事鞫之錄事嘗貸錢富民不獲乃劾富民父子共殺女奴棄屍水中遂失其屍富民不勝榜楚自誣服具上州官審覆無反異若水獨疑之留其獄數日不決一旦詣州屏人言曰若水所以留其獄者密使人訪求女奴今得之矣知州驚曰安在若水因密使人送女奴於知州所知州乃垂簾引女奴父母問曰汝今見汝女識之乎曰安有不識因出示之父母泣曰是也乃引富民父子悉破械縱之其人號泣曰微使君某滅族矣知州曰推官之賜也其人傾家貲飯僧爲若水祈福知州欲奏論其功若水固辭曰若此當置錄事於何地耶知州歎服

名臣言行錄

服

田况字元均其先京兆人後徙居信都况從夏竦辟爲陝西經畧判

官叅都總管諸將悉兵擊賊况極言其不可乃止又言所以給邊者十四事多見聽用

隆平集

尹洙字師魯河南人天聖二年進士趙元昊反夏竦開府永興軍洙爲通判賊大舉兵寇涇原洙時在慶州得涇原求救書即移文慶帥率其部將劉政銳兵數千人便道走鎮戎未至賊引去竦奏洙爲專徙通判濠州

安陽集

李素通判邠州事州人以素少年高科始不以吏事期之素銳精爲治所處畫皆出人意表吏民大驚會夏虜寇西鄙劉平石元孫戰沒邊人恟懼邠州城惡吏民謀內徙以避之時州無守將素攝州事即發民治州城僚吏固爭以事當言上待報素曰虜將至何暇顧文法爲身計耶且我實爲之有罪不爾累乃親度材庀用賦功董役不三旬而畢仁宗聞而嘉之下詔佗州守備當完曰視邠爲

比溫公

集

胡俛字公謹共城人舉進士高第時西方用師詔舉三路守令轉運使呂覺以俛聞召見爲彰化軍節度推官知梁泉縣盜發輒得秩滿爲著作佐郎簽書商州判官

雞肋集

劉几字伯壽洛陽人第進士通判邠州邠地鹵民病遠汲几浚渠引水注城中復興客曰自郭汾陽城此州苟外水可醺何待今日無爲虛費勞人也几不答未幾水果至鑿五池於通達民大便利

宋史

劉溫叟傳

胡瑗字翼之泰州海陵人范仲淹經畧陝西辟丹州推官

宋史本傳涖政

之暇以經術隨其賢愚訓之士多賴其造就凡見者即識爲安定

先生弟子

舊志

王獵字得之長垣人范仲淹薦爲藍田主簿府使之掌學諸生有犯

法者獵自責數以爲教之不至屏出之府帥意其私捕生下獄獵
前白曰此特年少不率教爾致于理不足以益美化恐適貽士類
辱帥悟而喜曰吾慮初不及此即釋生而待獵加敬

宋史本傳

張旨字仲微懷州河內人元昊反通判府州州依山無外城旨將築
之州將曰吾州據險敵必不來旨不聽城垂就寇大至乃聯巨木
補其罅守以強弩中外不相聞者累日人心震恐庫有雜綵數千
段旨矯詔賜築城卒卒皆東望呼萬歲賊疑救至州無井民取河
水以飲賊斷其路旨夜開門率兵擊賊小却以官軍壁兩傍使民
出汲復以渠泥覆積草賊望見以爲水有餘督居民乘城力戰賊
死傷者衆隨解去以功遷都官員外郎

宋史本傳

司馬里夏縣人字昭遠進士通判鄜州州武人不法里平居與之歡
甚臨事正色力爭不可假借性廉靜質直所至有惠政

宋史司馬也傳

楚建中字正叔洛陽人第進士主管鄜延經畧機宜文字夏人來正
土疆往蒞其事衆暴至兩騎傳矢引滿向之建中被腹使射曰吾
不憚死騎即去衆服其量元昊歸欵建中請築安定黑水八堡以
控東道夏人果來聞有脩不敢入

宋史本傳

王宗元皇祐中任商州酒稅有詩名終守清節琴樽自娛吏民畏之

賈志

周沆益都人皇祐中趙元昊擾西陲詔舉近臣可通判陝西者丞相
富弼以沆名聞通判鳳翔府去二十餘年民猶思之

司馬光撰神道碑

蘇軾字子瞻眉州眉山入簽書鳳翔府判官關中自元昊叛民貧役
重岐下歲輸南山木棧自渭入河經砥柱之險衙吏踵破家軾訪
其利害爲修衙規使自擇水工以時進止自是害減半

宋史本傳

程顥

字伯厚

河南人中進士第調京兆府鄠縣主簿令以其年少未知

之民有借其兄宅以居者發地中藏錢兄之子訴曰父所藏也令
曰此無證佐何以決之顥曰此易辨爾問兄之子曰爾父藏錢幾
何時矣曰四十年矣彼借宅居幾何時矣曰二十年矣即遣吏取
十千視之謂借宅者曰今官所鑄錢不五六年即遍天下此錢皆
爾未居前數十年所鑄何也其人遂服令大奇之南山僧舍歲傳
其首放光遠近男女聚觀晝夜雜處爲政者畏其神莫敢禁止顥
始至詰其僧曰吾聞石佛歲現光有諸曰然曰俟復見必先白吾
職事不能往當取其首就觀之自是不復有光矣府境水害倉卒
興役諸邑率皆狼狽惟顥所部飲食芟舍無不安便時盛暑泄痢
大行死亾甚衆獨鄠人無死者所至治役人不勞而事集嘗謂人
曰吾之董役乃治軍法也當路者欲薦之多問所欲先生曰薦士
當以才之所堪不當問所欲再暮以避親罷

朱光庭字公掞偃師人擢第調萬年主簿數攝邑事人以明鏡稱又從呂大防於長安幕府五路出師討西夏雍爲都會事倚以辦

朱景傳

張山甫偃師人熙寧間除武功主簿時朱光庭簿萬年程伯淳簿鄠

縣三子者齊名關中號三傑焉

馬志

鮮于侁字子駿閬州人從何邲辟簽書永興軍判官萬年令不任職

繫囚累百府使往治數日空其獄

宋史本傳

司馬旦字伯康夏縣人以父任歷鄭縣主簿鄭有婦蘭訟奪人田者

家多金錢市黨買吏合爲奸謾十年不決旦取案一閱情僞立見

黜吏十數輩寃者以直又并元慶豪欺鄉里莫敢誰何旦擒致於

法時旦年尚少上下易之自是驚服

宋史司馬池傳

王睦汴人華陰尉爲官廉潔清慎不忍鞭朴而心性明敏

馬志

焦積河東人政和間爲高陵縣主簿能佐其令李公爲政以忠信爲本嘗爲李公作不欺堂記

馬志

張汝明字舜文廬陵人徙真州登進士第歷華陰主簿華陰修岳廟費鉅財窘汝明嚴與爲期民德其不擾相與出力佐役如期而成他廟非典祀者則毀而懲其人滯州縣二十年未嘗干進徽宗擢

監察御史

宋史本傳

張獻崇寧間以承務郎監商州酒稅權知高陵縣管勾學事兼管勾勸農公事嘗礮石建八行八刑條碑

賈志

仇愈字泰然益都人大觀三年進士授邠州司法讞獄詳恕多所全

活

宋史本傳

司馬朴字文季夏縣人調晉寧軍士曹叅軍通判不法轉運使王似諷朴伺其過朴曰下吏而陷長官不惟亂常人且不食吾餘矣不

敢奉教似賢而薦之

宋史司馬池傳

張甫爲華州推官日用倉粟惡吏當追賠錢數百萬轉運使李紘以吏屬甫甫乃令斗米春之可棄者十纔二三又試之亦然吏遂得弛繫所賠錢纔數十萬而已紘因薦甫遷職

廉平錄

石昉字德輝樂平人宣和進士授隴州司工曹事靖康元年之官明年金兵入陝官吏失守惟隴守劉化源誓死不去檄昉權倖與昉畫地分守力不支金兵執之勒令受職不可盡室二十三人驅之北去拘置邠州洪皓留北與昉時相聞左右二帝於五國城與化源俱以不屈死

西江人物志

魏彥明開封人通判延安府建炎二年金人陷府東城而西城猶堅守自是金兵專圍西城初受圍時彥明與權府事劉選分地而守彥明當東壁空家貲以賞戰士金人晝夜攻城閱十有三日城陷

彥明坐城樓上金人併其家執之諭使速降彥明曰吾家食宋祿犬輩使背吾君乎婁宿怒殺之詔贈中大夫

宋史本傳

唐文若字立夫眉山人登進士第召對便殿高宗特旨通判洋州洋西鄉縣產茶亘陵谷八百餘里山窮險賦不盡括使者韓球將增賦以市寵園戶避苛斂轉徙饑饉相藉文若力爭之賦迄不增

宋史本傳

蹇彛潼川通泉人嘉定二年進士通判金州端平三年北兵攻蜀彛堅守被擒不屈而死其子永叔復力戰城破舉家死焉弟維之紹定五年進士利州都統王宣辟行叅軍事亦迎敵力戰而死

宋史本傳

金

喬君章平陽人正隆中任蒲城縣丞有異政碑

賈志

李完字道全馬邑人登進士第調澄城主簿有遺愛民爲立祠

金史

馬舜卿名肩龍以字行宛平人正大四年薄遊鳳翔德順州將愛申以書招舜卿舜卿欲往鳳翔總管以敵兵甚強德順不可守勸勿往舜卿曰愛申平生未嘗識我一見爲知己我知德順不可守我往必死然以知己故不得不死也乃舉行橐付族父明之爲死別冒險而去既至不數日受圍城中義兵七八千而已州將假舜卿鳳翔總管判官守禦一以委之凡受攻百日食盡乃陷軍中募生致之不知所終時年五十三詔贈某官配食褒中廟

中州集

張穀字伯英許州臨潁人大定二十八年進士改同州觀察判官時出兵備邊州徵箭十萬限以鴈鴈羽爲之其價翔躍不可得穀曰矢去物也何羽不可節度使曰當須省報穀曰州距京師二千里如民急何萬一有責下官身任其咎一日之間價減數倍尚書省

竟如所請

金史本傳

韓玉字溫甫相人明昌五年進士大安三年夏人陷邠涇陝西安撫司檄玉以鳳翔總管判官爲都統府募軍旬日得萬人與夏人戰敗之夏人解去當路忌其功驛奏玉與夏寇有謀朝廷疑之使使者覘其軍先是華州李公直以都城隔絕謀舉兵入援玉恃其兵爲可用亦欲爲勤王之舉公直軍行有日京兆統軍謂公直據華州反遣都統楊珪襲取之寘極刑公直曾爲書約玉其書爲安撫所得及使者覘玉軍且疑預公直之謀即實其罪玉道出華州被囚死士論寃之

金史本傳

馬慶祥字瑞寧本名習禮吉思先世自西域徙家淨州天山大安初拜鳳翔府路兵馬都總管判官元光元年冬十一月間大將萌古不花將攻鳳翔行省檄慶祥與治中胥謙分道清野遇大兵圍數匝欲降之不屈而死元帥郭仲元輿其尸以歸葬鳳翔普門寺東

詔贈恒州刺史諡忠愍胥謙及其子嗣亨亦不屈死謙贈彰化軍節度使嗣亨贈鳳翔府判官禎州金勝堡提控僕散胡沙亦死贈銀青榮祿大夫正大二年哀宗詔褒死節士習禮吉思等為立褒

忠廟

金史本傳

元

商衡曹州濟陰人僉陝西行省員外郎以戰死

元史商挺傳

張泰來餘姚人商州學正博通古今能詩文作新士類為儒職冠

賈志

杜震商州學正質性自然布衣蔬食泊如也教人作文先以正心地

為本後學宗之

馬志

元本武陟人至正間進士除邠州判官攝褒城安塞二縣尹俱有治

績

萬姓統譜○按邠州志職官不載

明

吳雲字友雲

宜興人

洪武初以校書郎改渭南丞有善政

續藏書

友雲洪

武二年為渭南丞時中原初定事皆草創雲至攝縣事躬行儉約

振廢滯納流亡鋤強暴恤孤災均徭宥罪城池廟署拓治一新三

年頽風丕變擢刑部郎中

渭南縣志

李叔正字克正江西靖安人洪武初遷渭南丞同州蒲城爭地累年

不決行省以委叔正單騎至其處召兩造至前立談而決縣田無

定額乃即里社丈量立法密而用刑嚴奸慝讐服

廣輿記

洪道保安縣丞洪武二年齎印到任招撫人民始立縣事

馬志

王惟允江西新淦人洪武初任南鄭丞招安人民開設縣事

賈志

潘謹浙江錢塘人洪武初以儒士任洋縣丞撫字勤勞善政流聞祀

名宦

洋縣志

蔣良輔洪武中任隴州學政教養有方歷官知府祀名宦

鳳翔府志

邢冕新鄉人洪武中任麟遊丞公正廉勤古之遺愛

賈志

方孝孺字希直一字希古浙寧海人洪武二十五年擢漢中府學教

授日與諸生講明聖學

世法錄

李驥四川新繁人國子生洪武中任城固典史公平有為任滿士民

不忍其去詣部保留

馬志

宣義昭洪武中商州學政時方草創人未知學義昭補綴經籍親授

句讀教事粗舉

賈志

夏安禮廬陵人洪武初澄城主簿時關陝初附民多癘疫旱暵相仍

安禮事神治民有善政由是時和年豐民咸戴之

澄城縣志

金文徵南直吳縣人洪武中鄜州同知興舉廢墜政尚寬仁民稱頌

之

賈志

江英江津人監生洪武末任寶雞丞廉平自守終始不渝導民引水

灌田民永賴焉祀名宦

寶雞縣志

鄒昱永樂初任漢中府同知勤慎有為政聲大振

明一統志

解鏘棲霞人監生永樂中三原教諭九年考滿保留復任教訓有方

士登賢書捷南宮者皆其力也

三原縣志

復揚清永樂間任扶風典史籍其民為上中下三等均役莫不從令

貧無牛種者即為假貸秩滿士民詣闕乞留乃陞祿復任

雍大記

徐永達字志道歸德人舉人永樂中寶雞教諭訓迪有方任滿生徒

奏留之擢翰林編修歷山西按察使

賈志

郭忠江南徐州人吏員宣德中任三原丞熟於吏治為政公平士民

感德陞秦州同知

馬志

牛紳河南尉氏人為城固訓導日以課士為樂城固久乏科目宮牆

傾壞紳力請上臺捐貲改建是科果有魁鄉榜者

尉氏縣志

張尹字商任河南魯山人正統中高陵教諭有孝行能以身教人生徒有貧窘者麥粟周之九年轉長安諭馬志

周儀山西孝義人舉人正統中鄠縣教諭與諸生約雞鳴來學雞未

鳴儀衣冠而待諸生奮勵由是多能記誦鄠有城隍會聲伎繫豔觀者塞途諸生無一敢延竚者則其教可知矣秩滿陞保寧府教

授

馬志

劉亮洛陽人由鄉貢登宣德庚戌乙科授陝西華州訓導條格嚴整

尤勤訓迪嘗再攝渭南縣學兩學生皆父事之成材者甚衆正統

癸亥遷澄城教諭俗戇直難訓亮用剛克畢就矩矱尋改三原諭

愛其士多秀敏講授不輟其教以明理飭行爲本不專文藝學者

皆畏服

懷麓堂集

郭文廣定襄人任宜君主簿清勤慈恕時轉輸雖繁民沾其澤卒於

官贈縣尹

賈志

王純廣陵人商州教諭質實簡默甘澹泊諸生餽奉未嘗輕受以道

義誨人責之力行不徒爲章句之學

賈志

康拯正統間任耀州學正惟嚴毅以勤率士五夜即升堂令諸生互

課有不如程者戒責不少假由是士多有成

馬志○按賈志作康極誤

潘敏宿遷人景泰中以材胥任涇陽主簿廉以持身謙以接士開修

水利增新廟學士民咸仰之

賈志

高瑄霸州人景泰間鄆縣典史愛民好士興水利築城垣政績顯著

祀名宦

鄆縣志

陳秀澤州人爲西鄉尉才力甚裕歷任九載民不忍捨比歸攀轅泣

留

漢中府志

王敦壽陽人天順初舉人任渭南教諭性狷潔一介弗取訓誨嚴明

有條舉止莊重不苟雞鳴即升坐敷教風雨寒暑無間諸生畏敬
一生以新茹數十餽王王怒曰弗勤爾學乃以是啖我邪懲以夏
楚如其茹數遣之後遷中牟知縣

賈志

明輔巴縣人舉人天順初蒲城教諭有師範善教能詩陞國子學錄
王思安大行人舉人天順初蒲城訓導與明輔同時敷教有方輿

論與輔並宜祠祀

賈志

楊潤河津人舉人天順中任涇陽教諭教條嚴整篤於訓迪禮度謹

飭爲一時掌教最歷陞國子監丞蓋不忝文清薛公之門云

馬志

劉端寧鄉人舉人成化中西安府同知明曉水利留心民事修治渠

堰人被其澤既去民恒思之

馬志

李文祥字天瑞麻城人進士以風義自持謫咸寧丞上官有欲門見
之者文祥卻立不進曰庭叅有禮此非其所及召還關中父老擁

道泣送監司有所餽遺悉謝不受

名山藏

文祥上新政疏激切大學

士萬安銜之令吏部除文祥咸寧縣丞剛正有為安罷擢南京工

部主事

舊志

王賓沁水人監生成化中咸陽教諭禮度謹飭約束嚴明為闕輔儒

官最

賈志

王馴襄垣人成化中任渭南丞有力敢任事諸尊官過渭南氣焰薰

灼者馴獨以已當之雖驛遞亦賴焉

馬志

徐存敬雙流人成化中渭南典史勤敏有材幹歷任十一年去之日

百姓赴京保留之

馬志

辛儒直隸固安人西鄉主簿勤敏有為邑之茶徒聚眾劫掠儒率兵

擒勦陣亡士民哀之祀名宦

漢中府志

傅字宗伊溫州人弘治初舉人高陵教諭博雅端正勤於訓誨

縣名士皆來就學教人以六德冠婚喪祭鄉射相見皆爲條約一時禮讓文物煥然可觀陞武定同知

賈志

聶相臨朐人任涇陽縣丞敦厚有禮人敬愛之臨民遇有冤苦者輒爲淚下後陞崇信知縣前後陞縣者惟相一人

賈志

邢彪字德威曲沃人監生弘治初三原縣丞衣布茹蔬珍綺不御每下鄉收糧勘事惟裹乾糗自隨分毫不以擾人罷職貧不能歸擇咸寧陋室居之玩誦經籍泊如也祀名宦

三原縣志

呂子固解州人弘治初以舉人爲富平諭賦性剛正立教有方每晝課諸生於明倫堂至夜秉燭巡視漏下二鼓始休晨興又考校之

一時成材多者稱子固第一

富平縣志

趙珍臨潁人舉人弘治時爲盤屋諭性剛毅訓士嚴肅以禮經設教

後盤屋士有以曲臺業相繼魁省闈者皆其薪傳也

盤屋縣志

馬龍字文祥齊東人進士授給事中忤旨謫岐山丞弘治二年巡撫薦知縣事歷任四年政教兼舉陞汝寧府同知士庶立去思碑祀

名宦

三原縣志

毛憲絳州人正德中由三氏學授任西安府教授師道尊嚴言行不苟謁上司無諂容嘗曰士子讀書處事只求一箇是且令諸生宿號舍而親夜行巡之其貧而好學者必捐俸助給一時陶成最多後陞韓府長史

馬志

趙昂開州人監生正德初三原主簿平居接物藹如也一有干謁則

屹不可動士君子以有道稱之當路委以政事所在底績陞博興

知縣

馬志○按賈志又載正德初三原主簿趙鼎開州人陞博平知縣考三原志有趙昂無趙鼎疑即趙昂一人而誤作兩人

也附志於此

劉佑安陽人監生正德初任澄城教諭持身不苟立教有方七年妖

賊李午陷洛川屯兵彭衙漸逼澄城居民多逃佑設法守禦保全

後病歸士民遮留

賈志

劉仁廬州人正德時由舉人爲盤屋諭能古文詞時督學以古學程

一關中遴其才拔直正學書院恬淡自好訓士多所成就

盤屋縣志

張儒山西趙城人監生正德中渭南縣丞仁厚廉謹不事鞭朴又弗

忍欺有長者風

賈志

羅賢蓬溪人正德舉人歷官漢中府通判鄢藍賊薄城賢仗節入壘

諭以禍福賊解去總兵官楊洪逼撓賊衆遽加侵辱賢以節死撫

一按上其事贈本府知府錄其子

四川通志

張志寧定州人由歲貢任漢陰諭教育有方人知向學諸生婚喪不

能舉者每義助之

漢陰縣志

謝茂實富順人武功教諭性嚴重笑語不苟雞鳴而起寒暑風雨無

少怠時士習尚俠重武自是畏憚不敢肆

馬志

趙文傑內江人正德末武功訓導甘貧好學寒暑不易初至時察諸

生可教者盡心開迪敢後者痛責之故諸生皆知向學

賈志

李用中山東人舉人西安府同知嘉靖中城富平流曲堡用中督之時邊患甚急百姓尚狃目前百堵廢墜用中痛懲怠者自巨室始仍出粟以賑窮人始就版築奮迅趨事不數月而五堡訖工遂為

永利

富平縣志

朱光霽字克明蒙化人嘉靖間舉人同知西安府時修復河套百務

填委酬應各有次第署華州朝邑蒲城所至有惠政

賈志

光霽陞西

安府同知織造璫故事皆跪拜光霽曰吾膝豈易屈人者乎璫聞

獨降階迎見每署郡邑獄中多所平反人甚德之尋乞致仕撫按

監司皆勉留不辭去

明史

李嘉祿禹州人舉人知郿縣強明敏辨能以法約束吏人承事者兢
兢救過往上官公使多憑勢覲易所部嘉祿不假詞色公役無不
懾服好督勵諸生數詣學官講說經義一時文教彬彬陞西安府

通判

賈志

喬瑞霍州人嘉靖丙戌進士西安府推官決疑獄多所平反執法抗
秦藩歸侵田設法賑荒民免死徙歷官山東右叅政

賈志

余良弼巴陵人舉人遷延安郡丞修城堡申斥埃軍政肅然兩膺寵

命卒於任

湖廣通志

楊根字伯深祥符人嘉靖辛卯舉人爲鳳翔推官奉法惟謹嘗攝隴
州議丁糧里逋多便於民隨御史按部惟剔大蠹巨姦餘悉不問
遷延安同知調度兵馬收支芻餉繕修城堡稽核功罪無不倚辦

以病致仕

祥符縣志

蔡禎環縣人解元天性至孝以家貧就祿為宜川教諭每食必供甘

旨於親嘗危坐與諸生課講務以善道淑人

馬志

趙鑑河南尉氏人宜川丞為政嚴明有豪民素結官府橫行遇鑑斂

跡生員劉述以妻死被誣鑑力出之

尉氏縣志

張縉安陽人嘉靖中任鳳翔府推官廉明公恕訊鞫多所平反姦弊

悉除

鳳翔府志

郭太元綿州人監生嘉靖中郿縣教諭道趣洒然蔚為士望祀名宦

鳳翔府志

趙相即墨人監生嘉靖中郿縣教諭持身不苟敷教有方捐俸以濟

貧却贄以遠利

鳳翔府志

齊大鵬黃岡人嘉靖中隴州同知正直廉明仁慈勤慎催徵不擾里

甲一清尤能釐奸剔弊祀名宦

隴州志

張良知安邑人以知州任漢中府同知修山河堰甚有勞績漢民享

其利

賈志

傅希孟字仲道蒲州人舉人嘉靖間知同州性簡素質直去家不兩

舍知交絕跡嘗奉檄度田履畝按覈不攜庖饌第齎市餅而已冰

蘖之操三年如一日遷漢中府同知

同州志

逮嵐清豐人歲貢任邵陽丞好文藝長官喜迎悅嵐獨持正不阿以

此銜之遂解任去載所植園蔬以行曰食五百力也士民至今以為

美談

賈志

唐學顏富順人為邵陽尉口不譚非義遇歲祲雨散粥愛民如不

及竟以勞瘁卒於官士民惜之

邵陽縣志

王翰德陽人貢士任韓城教諭時韓士棄舉業不肄翰聚而督課之

文教丕振

賈志

沈瑋大興人監生嘉靖間韓城主簿奮身殺賊而死贈韓城知縣廕

一子賈志

劉達字達夫上元人貢生與謝與槐張秋渠稱金陵三才子任華州

學正課士最稱得人崇尚氣節士風一振賈志

吳嘉祥眉州人舉人署華州學正負廉節好督率諸弟子員誦讀秦

漢古文辭治一經者俾博及他經而尤加意修行之士官至行太

僕寺卿華州志

黃瑤杞縣人嘉靖間教諭白水慧中秀外剛方不阿時同僚有索東

修辱士者瑤正色曰儒官以禮義教人而計利忘義士乎即麾士令

去祀名宦白水縣志

葉夢熊字男兆廣東歸善人嘉靖乙丑進士拜主事轉餉關中己丑

擢左僉都御史巡撫陝西廣東通志夢熊以御史左遷邵陽丞在縣事

不便民者悉與摘剔甄才俊諸生設局督課一時人文蔚起治化

大行

同州志

潘達字劇驂京山人萬曆甲午鄉薦同知西安所轄遼濶俗多頑梗

達單車撫循礦賊屏迹

湖廣通志

楊允中遵化人字印南以庶常改監察御史左遷西安府同知壬午

歲凶嘯聚者甚衆允中單車夜馳集千百長圍練調度不五旬而

渠魁就擒境內以安○趙資山陽知縣壬午之變有保障功

賈志按

山陽志不載趙資姓氏故世次無考馬賈二志又俱列景泰名宦然景泰中縣治未設其誤可知今因傳云壬午之變姑附揚傳存考

王大智號濬字玉田人萬曆時進士任西安司李嘗庭扑冢宰孫不

揚壻不揚聞而喜曰有擔當人也擢吏部主事

畿輔志

王明福河南府人西安同知分署潼關以明允著稱嘗署道事潼倉

一斗級著大履帶納戶糧名曰船鞋明福一見知其弊即杖之於通衢官置劣者自是收糧得平

潼關衛志

史邦直字中厚樂陵人西安府撫民同知耿介清貞動準道義屬吏承風皆以廉明任事德教大行會狃賊之亂衆議主勦邦直堅持不可身率兩騎馳諭之賊皆感泣請降因殲其魁餘悉散秦民安堵擢河南僉事

賈志

劉一鳴保寧人任涇陽訓導溫恭恬靜錄貧士名於壁間即有餽弗受未幾卒官無以爲歛其清如此

賈志

徐三仁青陽人任醴泉縣丞邑丁向多混徵積胥因緣爲弊三仁一覈實爲勒碑垂示百姓感其均平

賈志

郭世祿字介軒山西威遠衛人萬曆間任醴泉諭體莊心敬教人以德行爲重著有戒士勸學諸訓修兩廡櫺星門鐫石於廟去之日

諸生書情深義重四字送之

賈志

范之齊山東樂陵人舉人萬曆時爲漢中推官法令嚴明常慮民遭

欺枉察訪不避寒暑一時豺虎屏跡

漢中府志

蔚宙山西蔚州人貢士萬曆中韓城縣丞性狷介周知民瘼韓舊無

逋賦大侵後始有之其弊有三一逃負二攬侵三詭寄而詭寄爲

甚韓多山陵戶田萬畝業者數十百人而稅多籍之一人之下輸

將彼此觀望因以後期宙爲區分糧各異籍雖父子兄弟既異籍

即不相逮自此輸者恐後積逋以清

韓城縣志

劉波字澄源隴州人受業于馮仲好有學行由貢生爲塾屋訓導日

與諸生講學不輟或有言非其時者波曰吾以盡吾職他何計焉

諸生益信從之

馮少墟集

吉永祚輝縣人鳳縣主簿七年四月已謝事將歸賊至知縣棄城遁

或勸之去不可乃倡義拒守力屈城陷北面再拜曰臣雖小吏既食君祿不敢以謝事逃死見賊大罵被殺二子士樞士模皆死教諭李之蔚鄉紳魏炳俱不屈死

續表忠記

夏建中開平衛人崇禎八年遷扶風丞時流寇薄城建中至晝戰守方畧甚具朝夕乘城親犯矢石月餘力不支死之事聞贈旗守衛經歷妻女皆投井死又甯汝環澠縣人董時和陽武人甯以扶風丞署隴州篆董以扶風丞署麟遊篆寇陷城皆遇害

舊志

何宗孔通州人紫陽典史崇禎八年城陷死之

紫陽縣志

孟宗孔階州人為漢陰諭崇禎八年城陷死節贈國子監助教祀名

宦 漢陰縣志

宋之傑字萬特開平衛人功貢天性英明任事果決初任咸陽丞署鎮安山陽二縣復其城崇禎九年秋署扶風篆募丁壯修城池造

火器爲戰守具旋建衙署復驛站招逃亡墾荒蕪延諸生之有文
行者教民間子弟諸廢具舉十年陞本縣知縣十三年歲饑盜賊
蜂起又練鄉勇躬自勦滅之鄰邑咸倚重焉以功陞本府判

賈志

張文學崇禎時爲洋縣尉時巨寇頻至文學力爲捍禦城賴以全祀

名宦

漢中府志

岳士望鎮西人任靖邊同知神賊攻城士望調度守禦危坐敵樓上
矢石雨下神色自若或勸之使避士望張目叱之內安人心外挫

敵氣城賴以全

延綏鎮志

高拱卽縣人紫陽典史追捕流寇李三陷陣死

紫陽縣志

許東良雒南石家坡巡檢久守邑城以事歸本署遇寇害

雒南縣志

翁鉞寧波人雒南石家坡巡檢時代縣捕事扞賊匿縣東北隱寺以

義勇出勦鉞督餉往被賊執厲聲不屈遂被害後賜卹廕

雒南縣志

許嗣復北直人潼關衛教授進諸生講程朱之學以忠信孝義為本

舊志

闖賊長驅入關嗣復分守上南門城破持挺格鬪罵賊死妻女

被掠亦皆自殺

續表忠記

劉光先直隸人貢士崇禎十三年為中部佐公廉有守十四年邑被

寇陷眾皆怖散時邑令朱新堞公出左右將壞垣掖之走光先曰

吾守朝廷土將安往自持刀與賊戰被創度力不支遂自焚及新

堞歸為位取賊首奠之

賈志

姚啓崇沁水人拔貢授渭南丞崇禎十六年李自成陷潼關與邑令

楊暄協力固守城陷不屈死時同死者為教諭蕭致中鐵嶺人訓

導楊馨輩昌人皆以貢生任

渭南縣冊

簡仁瑞字季麟榮縣人舉人崇禎壬午以京兆郡丞署藍屋篆邑方

罹兵燹閭里邱墟仁瑞極意撫綏釐剔奸蠹豪宗悍弁悉束以法

時旱魃爲災仁瑞疏廣濟諸渠溉田寇據南山設法勦除危城以
安造士課業勉以行誼新令至復旋京兆士民如失慈母

蓋屋縣志

章尚綱會稽人秦府長史聞城陷投印井中冠服趨王府端禮門再

拜自經後贈按察司副使

續表忠記○按尚綱紀事本末作世綱與此異

按事有繁簡官有間劇僚佐之設所以彌縫其闕而交修不逮
也唐京兆少尹程諫休寧人長安尉王之咸太原人李嶠趙州
人萬年主簿徐堅失其籍咸陽尉蘇味道樂城人藍田丞崔立
之博陵人渭南尉趙嘏山陽人崔邠武城人延長主簿羅居通
成都人朝邑尉劉幽求武彊人顏願失其籍白水尉張廷珪濟
源人武功主簿駱賓王義烏人尉姚合峽石人華陰尉聶夷中
河東人宋京兆府學教授蔣夔失其籍明西安府同知楊提鶴
慶人撫民同知韓霖富順人推官楊銳直隸人金新祚高唐人

延安府同知徐崇德濟寧人傅裕泰安人張鑄平谷人閻禮洛陽人聶世潤劍州人通判崔恕保定人推官柴思恭保定人姜鵬息縣人顧咸正崑山人鳳翔府同知張顯漢川人通判王吉上蔡人推官何楚鍾失其籍王价稷山人漢中府同知李彥望江人傅希孟蒲州人馮珣臨朐人通判孟統河南人王東岱尉氏人王鳳翼山西寧鄉人教授陳祖舜資縣人興安州同知黃銓麻城人州判牟坤雲陽人商縣教諭即商州時未改州治也王勛大興人劉芳朔州人陳海洛陽人商州學正王田錦衣衛人賈通蘭陽人訓導陳伯瑗銅梁人同州同知王濂長垣人李鑾元城人州判劉淵濮州人王瑜海豐人學正謝璉上虞人張祝魏縣人訓導夏亨新喻人彭興盧氏人華州州判許登仕安陽人耀州同知李憲平遙人學正張俞嚴眉州人乾州州判張俊汜水人

田美內江人學正安貴臨汾人張楨潁川人薛璟蒲州人霍奇

單縣人彭程湘鄉人劉楷南直隸人訓導伍從教榮縣人楊通

南部人邠州州判林楓南宮人陳自沛永嘉人鄜州同知吳士

濬失其籍學正王庭崑山人寧羗州判何悌合州人長安教諭

李德宿松人孫維藩解州人咸陽教諭孔慶宜陽人黃琮睢州

人興平丞郭昂猗氏人教諭李寅河南人張祚觀城人訓導鄭

環長壽人秦錡曲沃人臨潼教諭曹大行遼東海州人高陵丞

陸睢名山人教諭郝紹夔絳州人侯輔洛陽人典史耿臣膠州

人鄆縣教諭吳憲安岳人涇陽教諭員紀許州人徐安蒲江人

訓導楊世桂長壽人三原丞韓士文章邱人教諭張本河內人

張奎裕州人整厓教諭張學懋潼川州人賀來獻山西寧鄉人

訓導陳讓絳縣人朱子節文縣人渭南教諭陳嘉猷富順人白

永四川人訓導李岳眉州人謝嵩良鄉人富平訓導羅日生咸

遠人醴泉主簿吳續稷山人樊應宗陽城人教諭夏亨臨江人

趙善新都人童采中江人甘泉主簿張軾忻州人訓導徐珩聞

苑人

聞苑字有誤

安定教諭冉寅東內江人典史王尚德新鄭人宜

川主簿張繹清苑人典史曹徵庸平湖人鳳翔教諭王鐸祥符

人岐山丞李祥元氏人教諭王治代州人張四教巴縣人扶風

丞薛泰大城衛人教諭黎昕渾源人左迪江西建昌人劉遇陽

曲人劉勲巴縣人訓導沈益安州人杜亨肥縣人韓祥文水人

鄒明魁敘州人王正眉州人郿縣丞戴鳳翔失其籍教諭祝世

亨溫江人蔡璵保定人董儒蒲江人訓導盛忠汝州人任恩通

江人麟遊丞陳雷大同人褒城主簿伍魁南溪人洋縣教諭方

震四川人朱崇芳新寧人訓導廉儒狄道人鳳縣教諭孔崇儒

鄰水人畧陽教諭王鐸蓬州人洵陽教諭張本大邑人石泉興
史李珏鄧州人雒南教諭任佐稷山人山陽教諭李壯鞏縣人
主簿俞濟商南丞王廷義教諭陳應禎訓導丁葛朝邑丞卞禮
俱失其籍教諭翟方榆次人譚錦銅梁人郃陽訓導韓衡費縣
人李伸內鄉人典史李天敕曲沃人澄城教諭馬廷璽正定衛
人訓導郭鼎襄陵人韓城丞李元雲陽人教諭劉謙山東人李
昌臨川人邱茂聞喜人王時效永寧人申偉陽曲人訓導趙壁
聞喜人黃春長壽人華陰丞黃文明失其籍翟益四川人蒲城
丞馬貴失其籍吳志文萬全衛人教諭潘凱洛陽人楊學程西
鄉人同官教諭史鑑偃師人丁應觀安邑人白水丞張平唐縣
人教諭王鵬蒲州人李永文彥茂俱失其籍俞猷內江人訓導
錢鐸臨汾人武功教諭林士雲邛人劉相成都人曹山榮縣人

楊春安岳人陳厚合州人訓導李善湖廣人金鼎榆次人永壽
丞張驥蒲州人教諭尹信陳留人葉宗順天人韓唐潁州人陶
守道銅梁人李長鯨洛陽人二水教諭謝淵均州人張本立壽
光人訓導鄒崇禮麻城人淳化丞畢經井陘人教諭王繼保定
人潘天民睢州人馬朝宣交州人中部教諭白金失其籍袁經
清苑人府谷訓導楊威膚施人以上俱載舊志仍錄之

本朝

衣璟如字玉京棲霞人順治己丑進士任漢中府推官先是吳三
桂駐漢中兵民錯處豪猾依倚爲奸百姓患之璟如蒞政嚴明
見者竦然相戒曰各自愛無犯衣君令蒞任數月令行禁止奸
吏震懾尤長於聽斷雖狡獪譎辨詞涉兩端獄稽數載者以片
言折之咸稽首屈服

馮臯彊字立中永濟人順治乙未進士同知漢中府吳逆之變大
兵進討臯彊隨征至沔縣陷賊中導之降不從授以偽職憤然
曰我王臣也何以此污我賊冀其終爲己用也釋勿殺久之復
刼以威嘆曰睢陽常山彼何人哉當勿令二公笑我賊知不可
奪乃幽之古寺中歷五載意氣自如暨奮威將軍王進寶師下
漢中始免總督哈占疏其節於

朝奉

旨錄用臯彊以老乞歸卒

劉澤霖直隸人貢生順治十六年任漢中府同知初吳逆駐漢逆
黨重利剥民及是移駐雲南索逋甚急質民子女號泣遍野澤
霖挺身執法爲逮治其尤者仍率屬捐金贖男婦數百口民始
安堵尤留心水利南鄭舊有柳邊堰爲擁沙所衝堤不能固澤

霖疏鑿得宜復沿邊栽柳障沙迄今永賴

茹珍浙之山陰人初仕爲陝西藩幕值採木梁洋巡撫賈漢復知珍才俾督艘北上刻期報竣滇逆告變蔓延關隴以幹畧擢判西安同官嫉其能有大役僉曰非茹判不可諸臺使欲集事輒命珍於時禁旅雲屯需藁日鉅萬廠不能給制府以爲憂珍毅然與諸大帥約期以三日因馳赴涇干復循渭而南東抵潼關遍召巨室豪家泣諭

國恩當報宜先輸草束以佐軍興後當倍償廠直一時舟車麇至芻茭山積諸大帥皆驚美接待逾常禮先是隴渭之交久當賊衝堡民多受迫脅或疑其歛寇欲屠之時大軍駐寶雞適珍督運至鳳翔聞之乃夜走軍中涕泣言諸堡無叛狀遂獲免賊平八旗兵分駐西安會逃旗之禁方嚴乃別立解舍令丞倅理

事三月而更謂之直季珍迭三四直平反居多以疾丐歸卒
汪化鰲字魚君江南涇縣人拔貢康熙八年任漢中府同知凡郡
中水利屯糧及茶鹽諸政皆稱職再攝縣事省刑息訟禁耗羨
絕苞苴聽斷無留獄十三年吳逆踞漢南逼受僞職鰲不從窘
辱脩至後復給僞劄令知白河縣事勒令之任鰲拊膺嘆曰吾
不能以身報國敢偷生旦夕耶遂自經士民傷之共斂葬於漢
中城南之連水河

譚吉璵字舟石嘉興人由監生康熙九年任榆林城堡同知為政
清惠有古良吏風十四年朱龍叛璵與副使高光祉總兵許占
魁進勦邊境以寧制府上其功

賜忠藎可嘉匾額以榮之榆林古上郡地明代因寇患始為重鎮良
將勁旅星羅碁布而鎮志未立一切方畧制度但錯見陝志中

陝志統二省三邊限於尺幅不能詳也總苦心搜訪逐類編輯東西千八百里凡一名一物無不訂正是非敘述本末志乘之精詳未有如延綏鎮者

韓北城山東人由貢生任鳳翔通判時吳逆未靖蜀餉孔亟北城有心計不憚險遠往來頻數軍餉得無後期且詰奸禁暴匪類潛踪境內安之

趙煥文懷寧人任白水縣典史康熙十七年大將軍圖海下平涼給劄令招撫遠近至棧口遇賊不屈死之二十二年

贈河南封邱縣主簿

胡覲賓奉天承德人任華州州判佐理有聲署渭南縣事明斷果決累年疑獄無不剖晰又署長安縣事理煩治劇恢恢有餘大府重之命兼攝華州及興平縣事治行卓犖允稱良吏每念華

下風氣寢薄捐金補修小華山峰以壯形勝

楊廷桂字月丹寶雞人康熙戊午登賢書二十四年授武功教諭比至任申明學規釐正士習倣安定蘇湖教法立賢良政事文章學術四科隨材造就高下悉中矩矧教士以四子書為主有問業者娓娓不倦晨夕肅衣冠坐堂上率教則禮之不率教則誘進之在任數年諸生競知向學會以憂歸里論者惜焉

韓奕字克振滿洲籍鄜州人康熙三十八年任榆林城堡同知居官清介饒有政績開水利建學宮作士恤民諸廢必舉癸未冬車駕西巡嘉其能擢臨洮守軍民攀轅者以萬計

將弁

晉

周處字子隱義興陽羨人少仕吳入洛遷新平太守撫和我狄叛羗

歸附雍土美之遷御史中丞梁王彤違法處深文按之氏人齊萬年反朝臣惡處強直使隸夏侯駿西征萬年問之曰周府君昔臨新平我知其才兼文武若專斷而來不可當也如受制於人此成擒耳既而梁王彤爲征西大將軍都督關中諸軍事處知彤必當陷已自以人臣盡節不宜辭憚悲慨即路志不生還時賊屯梁山有衆七萬駿逼處以五千兵擊之處將戰軍人未食彤促令速進而絕其後繼處知必敗賦詩曰去去世事已策馬觀西戎藜藿甘梁黍期之克令終言畢而戰自旦及暮斬首萬計弦絕矢盡播系不救左右勸退處按劍曰此吾効節授命之日何退爲且古者良將受命凶門以出蓋有進無退也今諸軍負信勢必不振我爲大臣以身殉國不亦可乎遂力戰而沒

晉書本傳

賀拔勝神武尖山人少有志操善騎射北邊莫不推其膽畧廣陽王
元深在五原爲破六汗賊所圍晝夜攻戰召勝爲軍主勝乃率募
二百人開東城門出戰斬首百餘級賊遂退軍數十里廣陽以賊
稍却因拔軍向朔州勝常爲殿以功拜統軍

周書
本傳

隋

趙仲卿天水隴西人開皇中拜朔州總管於時塞北盛興屯田仲卿
總統之微有不理者仲卿輒召主掌撻其胷背或解衣倒曳於荆
棘中時人謂之猛獸事多克濟由是收穫歲廣邊戍無餽運之憂

隋書
本傳

唐

陽惠元平州人爲京西兵馬使鎮奉天朱泚反自河朔赴難解奉天
圍詔營便橋李懷光反奪其軍惠元走奉天懷光遣將馳騎追及

於好時惠元被髮呼天血流出背袒裼戰而死二子晟嵩皆及害

唐書本傳

興元元年六月故神策京西兵馬使簡較工部尚書兼御史

大夫陽惠元贈右僕射仍賜絹百疋惠元男故尚食奉御晟贈殿

中監故左衛兵曹叅軍嵩贈邠州刺史褒死難也

冊府元龜

侯仲莊字仲莊蔚州人爲神策京西將德宗幸奉天遷左衛將軍爲

防城使修壘堞晝夜執戈徼循從幸興元殿軍駱谷授防禦招討

使帝還都復鎮奉天幾二十年卒贈洪州都督

唐書李光弼傳附

王忱爲藍屋鎮將清苦肅下秋毫不犯

國史補

李景畧幽州良鄉人大曆末客河中闔門讀書李懷光爲朔方節度

使署巡官五原將張光殺其妻以貲市獄前後不能決景畧覈實

論殺之累轉侍御史豐州刺史豐州當回紇通道前刺史軟柔每

虜使至與抗禮時梅錄將軍入朝景畧欲折之因郊勞前遣人謂

曰可汗新沒欲吊死者乃坐高墉待之梅録俯樓前哭景畧撫之於是虜容氣沮索不敢抗自此回紇使至皆拜於庭威名顯聞拜天德軍西受降城都防禦使窮塞苦寒邊戶勞悴景畧節用約已與士同甘蓼鑿咸應永清二渠溉田數百頃儲稟器械畢具威令肅然聲雄北疆回紇畏之卒於屯贈工部尚書

唐書本傳

五代

侯益汾州平遙人明宗時爲商州刺史蜀軍寇金州益率鎮兵襲擊大破之詔賜襲衣名馬加西面行營都巡檢使

宋史本傳

宋

石保興字光裔浚儀人雍熙初李繼遷入鈔徙銀夏綏府都巡檢使嘗巡罨子砦並黑水河趣谷中夏人知之以數千騎據險渡河求戰保興所部不滿二千人乃分短兵伏於河澌俟其半渡急擊之

斬首百餘追北數十里優詔褒美淳化五年爲永興軍鈐轄改夏綏麟府州鈐轄至道二年徙延州都巡檢使兼署州事改本路副都部署與范重召等五路討賊有岌伽羅膩數族率衆來拒保興選敢死士數百人銜枚夜擊殲之自是吳移越移諸族歸降還至烏白池賊又爲方陣來拒保興麾衆出入陣中會乘馬中流矢挺身持滿易騎奮呼且行且鬪凡三日四十二戰賊遂引去咸平五年以疾歸京師卒

宋史石守信傳

侯延廣汾州平遙人太平興國初出護延州軍兼緣邊巡檢善撫士卒下樂爲用會西北戎入寇邊人擾亂求可使徼巡者近臣言延廣將家子習邊事無出其右遷同鄜坊延丹緣邊都巡檢使戎人聞延廣至不敢復亂叛卒劉渥嘯聚亡命寇耀州富平縣謀入京兆其勢甚盛延廣率兵數百自間道追之會渥於富平西十五里

渥素憚延廣傳言我草間求活視死如鴻毛侯公家世富貴奈何
與亡卒爭一旦之命延廣怒因擊之挺身與渥鬪大樹下斫渥左
臂渥脫走後數日為追兵所獲渥素號驍勇至是為延廣所殺羣
盜喪氣稍稍自歸關右以定上嘉之擢拜崇儀使

宋史侯益傳

慕容德豐字曰新太原人太平興國二年知慶州兼邠寧都巡檢嘗
破小遇族奪名馬數十匹居任九年以簡靜為治邊鎮安之

宋史慕容

延釗傳

曹光實雅州百丈人太平興國五年李繼捧入朝以光實為銀夏綏
麟府豐宥州都巡檢使繼捧弟繼遷逃入蕃落為邊患光實乘間
掩襲至地斤澤俘斬甚眾破其族帳獲繼遷母妻及牛羊萬計繼
遷懼免使人給光實請降期於葭蘆川光實信之從數百騎往伏

兵起遂遇害

宋史本傳

盧斌開封人端拱中爲永興軍華州巡檢時大賊侯和尚劉渥劫

平櫟陽殺捕賊官二人斌率兵掩襲且追且鬪薄南山渡渭水抵

鳳翔復至耀州擒斬並盡以勞改供奉官召還面如獎慰

宋史本傳

李繼周延州金明人祖計都父孝順皆爲金明鎮使繼周嗣掌本

太平興國三年東山蕃落集衆寇清化砦繼周率衆敗之淳化四

年遷殿直明年討李繼遷命開治塞門鴉兒兩路又招降族帳首

領二十餘人率所部入夏州敗蕃將數于於石堡砦以功轉供奉

官繼周以阿都關塞門盧關等砦最居邊要遂規修築砦城有

盧家媚咩拽藏等族居近盧關未嘗內順繼周夜率所部往襲

之斬首俘獲甚衆至道二年大軍討西夏命爲延州路踏白先

會繼遷邀戰於路繼周戰却之咸平三年復爲先鋒入賊境焚

聚殺人畜獲器甲凡六十餘萬授供奉庫使領金明縣兵馬都

新砦解家河盧關路都巡檢五年耆騎入鈔總周逐之景德元年

夏人圍麟州總周受詔擊之大中祥符二年卒詔其子士彬管勾

部族事士用爲巡檢都監

宋史本傳

曹璨字韜光真定靈壽人爲綏銀夏麟府等州鈐轄契丹入寇屢戰

有功諸將多欲窮追璨慮有伏力止之至道初復爲鄜延路副都

部署充麟府濁輪副部署出蕃兵邀總遷俘馘甚衆璨習知韜畧

善撫士卒兼著威愛

宋史曹彬傳

張思均邢州沙河人至道中改鄜延巡檢使會葺石堡砦擊寇走之

未幾寇逼保安軍與曹璨往援追躡五十餘里至木場寇乃遁去

宋史本傳

謝德權字士衡福州人補殿前承旨遷陝西巡檢咸陽浮橋壞轉運

使宋大初命德權規畫乃築土實岸聚石爲倉用河中鐵牛之制

纜以竹索由是無患

宋史本傳

張昭遠字持正滄州無棣人知邊畧爲鄜延路兵馬都鈐轄築堡成

平川

宋史本傳

張佶字仲雅本燕人後徙華州渭南初名志言後改焉遷著作佐郎

監三白渠知涇陽縣咸平初擢陝西轉運副使賜緋魚至延安遇

夏人入寇親督兵擊敗之徙麟府路鈐轄夏人來寇佶率兵與戰

親射殺酋帥俘獲甚衆餘黨遁去詔書褒之賜錦袍金帶又爲鄜

延鈐轄徙邠寧路鈐轄兼知邠州佶勇敢有方畧其總戎護塞以

威名自任

宋史本傳

張煦字輔暘開封人知保安軍咸平中夏人寇邊爲邠寧環慶路鈐

轄兼巡檢安撫都監累躡寇入賊中掩殺甚衆有詔嘉獎

宋史本傳

盧鑑字正臣金陵人授三班奉職監坊州酒稅以右班殿直爲鄜延

路走馬承受公事李繼遷寇邊與總管王榮敗走之又與鈐轄張崇貴擊賊焚其積聚斬首級而還擢本路兵馬都監復出蕩賊帳獲牛羊萬計徙鳳翔秦隴階成等州提點賊盜公事尋為都巡檢

使

宋史本傳

曹瑋字寶臣真定靈壽人天禧三年德明寇柔遠砦以瑋為華州觀察使鄜延路副都總管委乞骨咩大門等族聞瑋至歸附者甚眾拜鎮國軍節度觀察留後復華州觀察使知永興軍改彰武軍節

度使卒

宋史曹彬傳

馬懷德字得之祥符人景祐二年為延州東路巡檢數以少擊眾徙青澗城監押入賊境焚二寨親射殺其酋主又率蕃漢兵焚蕩賊五十寨三百餘帳斬獲百餘級虜獲畜產萬計又以兵數千敗賊四萬騎於僕射谷徙鄜延東路巡檢都監破賊青化押班吃當三

寨殺虜其人物甚衆元昊納款與國子博士高良夫會西人畫地
界時用兵久人民流散懷德招輯有方經畧使梁適奉請推其法
諸路詔從之

隆平集

劉平字士衡開封人景德三年登進士第累擢鄜延路副都總管兼
鄜延環慶兩路同安撫使寶元初元昊攻保安軍自土門路入寇
知延州范雍書召平趨土門既又有告賊兵數萬趨金明圍延州
雍復召二帥還軍救延州平督騎兵先發步卒繼進及鄜延駐泊
都監內臣黃德和等兵至步騎萬餘結陣東行至三川口遇賊殺
賊鐵騎六七百人薄暮賊復以輕兵來戰官軍少却黃德和遂走
追之不止遣軍校以劍遮士卒得千餘人轉鬪三日夜衆寡不敵
遂被執平不復食仍數罵賊遂遇害延州吏民詣闕訴平戰沒賜
平家信陵坊第一區贈平節度使子孫咸賜官平剛直任俠善弓

馬知邊事特志常輕賊又衆因德和而潰遂至陷沒聞者傷之

平隆

集

郭遵開封人乾興中徙延州西路都巡檢使元昊寇延州遵以裨將屬劉平遇敵馳馬入陣殺傷數十人敵出驍將楊言當遵遵揮鐵杵破其腦復持鐵槍進所向披靡會黃德和引兵先潰敵戰益急遵奮擊期必死又持大稍橫突之敵知不可敵使人持大綦索立高處迎遵馬輒爲遵所斷因縱遵使深入攢兵注射之中馬踣仆

地被殺特贈果州團練使

宋史劉平傳附

任福字祐之其先河東人後徙開封元昊反命知隴州擢秦鳳路馬步軍副總管詔陝西增城壘器械福受命四十日而戰守之脩皆具以忻州團練使爲鄜延路副總管管勾延州東路蕃部事

宋史本傳

夏隨字君正并州榆次人元昊反爲鄜延路副都總管元昊爲書及

錦袍銀帶投境上以遺金明李士彬且約與同叛候人得之諸將皆疑士彬獨隨曰此行間爾士彬與羗世仇若有私約通贈遺豈使衆知耶乃召士彬與飲厚撫之士彬感泣後數日果擊賊斬首獲羊馬自效

宋史夏守恩傳

許懷德字師古祥符人元昊寇邊爲鄜延路副總管夏人三萬騎圍

承平砦懷德率勁兵千餘人突圍破之夏人乃去屠金明縣復進圍延州懷德夜遣裨將以步騎千餘人出不意擊之斬首二百級

遂解延州遷鳳州團練使專領延州東路茭村一帶公事

宋史本傳

王信字公亮太原人以功遷鄜延巡檢康定初戰三川以所部兵薄賊斬首數十級徙鄜延路兵馬都監始至之夕部衆號數萬傳城軍吏氣懾信領勁兵二千夜出南門與戰失其前鋒因按軍不動遲明潛上東山整軍乘勢而下擊走之獲首級馬牛居多遷鈴

兼經畧安撫招討都監

宋史本傳

周美字之純靈州回樂人少以材武稱元昊反陝西用兵經畧使夏竦薦其材擢延州兵馬都監夏人既破金明諸砦美請於經畧使范仲淹曰夏人勢必復來金明當邊衝今不亟完將遂失之仲淹因屬美復城如故數日賊衆數萬薄金明陣於延安城北三十里美領衆二千力戰抵暮乃徙軍山北多設疑兵夏人望見以爲救至即引去既而復出艾蒿砦夜鬪不解美使人持一炬從間道上山四面大譟賊懼走遂築萬安城而還改東路都巡檢使敗敵於金湯城元昊大入據承平砦美以西兵出芙蓉谷大破敵未幾敵復畧土塹砦美迎擊於野家店追北至拓跋谷大敗其衆還築柵于葱梅官道谷以據敵路令士卒益種營田歲收穀六千斛復率衆由廳子部西濟大理河屠劄萬多移二百帳焚其積聚以歸除

鄜延路兵馬都監又破敵於無定河乘勝至綏州殺其酋豪焚廬帳因城龍口平砦敵以精騎數千來襲美從百餘騎馳擊破之加本路鈐轄遂爲副總管自陝西用兵諸將多不利美前後十餘戰平族帳二百焚二十一招種落內附者十一族復城堡甚多在軍中所得祿賜多分其戲下有餘悉饗勞之及死家無餘貲

宋史本傳

狄青字漢臣汾州河西人寶元初趙元昊反以青爲延州指揮使時

偏將屢爲賊敗士卒多畏怯青行常爲先鋒凡四年前後大小二十五戰中流矢者八破金湯城畧宥州屠囉咩歲香毛奴尚羅慶七家口等族燔積聚數萬收其帳二千三百生口五千七百又城橋子谷築招安豐林新砦大郎等堡皆扼賊要害嘗戰安邊被創甚聞寇至即挺起馳赴衆爭前爲用臨敵被髮帶銅面具出入賊中皆披靡莫敢當經畧使韓琦范仲淹一見奇之待遇甚厚張玉

字寶臣保定人以六班散直隸狄青麾下築青澗招安砦遇夏兵三萬有馳鐵騎挑戰者玉單騎持鐵簡出鬪取其首及馬軍中因號曰張鐵簡孫節開封人以身勇補右侍禁與狄青同在延州數攻破敵砦有功

宋史本傳

郭諮字仲謀趙州平棘人舉進士累遷鄜延路兵馬鈐轄許置弩五百募土兵教之既成經畧使夏安期言其便詔立獨轅弩軍以西

上閣門使知潞州

宋史本傳

曹琮字寶章真定靈壽人仁宗時知邠州元昊反拜同州觀察使久之兼同管勾涇原路兵馬定國軍節度觀察留後劉平石元孫敗關輔震恐琮欲誘吐蕃犄角圖賊得西川舊賈使諭意沙州鎮王子遣使奉書願率首領爲朝廷擊賊帝善琮策改陝西副都總管經畧安撫招討副使拜步軍副都指揮使與夏竦屯鄜州還爲馬

軍副都指揮使以疾卒謚忠恪琮小心謹畏御軍整嚴死時家無

餘貲

宋史曹彬傳

郭恩開封人累戰功積官并代鈐轄管勾麟府軍馬事初夏人歲侵屈野河地至耕獲時輒屯兵河西以誘官軍經畧使龐籍戒邊將勿與戰月餘食盡去如是屢矣是歲正月出屯三月始去并州通判司馬光行邊至河西知麟府州武勘與光議乘虜去別創二堡據其地使不得耕功畢則廢橫戎臨塞二堡徙兵實新堡籍從光議遂築二堡恩與武勘走馬承受內臣黃道元往按視之謀者言虜兵屯沙黍浪十五里不絕恩欲止道元怒以言逼恩恩遂夜率步騎千四百人循屈野河北行比明遇賊自旦戰及食時恩與道元皆陷賊恩死之贈觀察使子弟並贈秩或賜官給恩舊俸三年

竇舜卿字希元相州安陽人辟府州兵馬監押夏人犯塞舜卿欲襲擊舉烽求援於大將王凱凱弗應舜卿度事急提州兵出戰勝之明日經畧使問狀凱懼要以同出為報舜卿驩然相許不自以為

功

宋史本傳

劉紹能字及之保安軍人世為諸族巡檢夏人圍大順城紹能為軍鋒毀其柵至奈王川邀擊於長城嶺熙寧中又敗夏人於破羅川皆策功最累遷鄜延兵馬都監紹能世世邊將為敵所忌每設疑以間之帝獨明其不然手詔云紹能戰功最多忠勇第一此必夏人畏忌為間害之計耳紹能奉詔感泣嘗坐譏逮對按驗卒無實守邊圉四十七年大小五十戰以皇城使簡州團練使卒

宋史本傳

折繼世

雲中人總祖弟

少從軍為延州東路巡檢蒐名山內附繼世先知之

遣其子克懃報种諤諤用是取綏州繼世以騎步萬軍於懷寧砦

入晉祠谷往銀川分名山之衆萬五千戶居於大理河夏人來攻再戰皆捷諤逮繫獄以兵付之而行遂同名山守綏州錄功領忠州刺史說韓絳城囉兀以撫橫山因畫取河南之策絳以爲然以果州團練使卒

宋史折德宸傳

曲珍字君玉隴干人爲綏德城監押提孤軍拒寇斬其大酋加閣門祇候擢鄜延鈐轄進副總管從种諤攻金湯永平川斬二千級珍

善撫士卒忠樸好義本於天性

宋史本傳

燕達字逢辰開封人爲延州巡檢戍懷寧砦夏人三萬騎薄城戰竟日不決達所部止五百人躍馬奮擊所向披靡擢鄜延都監數帥兵深入敵境九戰皆勝元豐中遷金州觀察使加步軍都虞候改馬軍超授副都指揮使以訓閱精整數被詔獎

宋史本傳

王凱爲鄜州都監累有戰功斬獲甚衆夏人圍麟州乘城拒鬪晝夜

三十一日始解去

舊志

胡田字雲從奉新人元豐間叅鄜延副總管曲珍軍事敗夏人於金

湯以功進忠訓郎左殿班直

人物志

劉昌祚字子京真定人永興軍鈐轄徙知延州時永樂方陷士氣不振昌祚先修馬政合軍中校技擊優者乃給馬自義合至德靖砦綿亘七百里堡壘疏密不齊烽燧不相應昌祚度屯戍險易地望遠近事力強弱立爲定式上諸朝夏人寇塞門安遠砦出師拒之殺其統軍葉悖麻咩叱埋二人蓋始謀攻永樂者圖其形以獻帝

喜遣近侍勞軍

宋史本傳

陳淬字君銳興化軍莆田人紹聖初挾策西遊時呂惠卿帥鄜延淬戎服往見惠卿問相見何事淬曰大丈夫求見大丈夫又何事惠卿器之補三班奉職與西人接戰於烏原手殺十餘人擒其砦主

奏爲左班殿直廊延路兵馬都監

宋史本傳

折可適

雲中人克行從子

廊延郭達薦試廷中補殿侍隸延州從种諤出塞

遇敵索鬪斬其首取馬而還益知名米脂之役與夏人戰三角嶺得級多又敗之於蒲桃谷東兵久不得食籍籍軍門或欲掩殺以爲功可適曰此饑耳非叛也單馬出詰之曰爾輩何不爲父母妻子念而甘心爲異域鬼耶皆回面聲喏流涕謝再生各遣歸羗夏人十萬入寇可適先得其守烽卒姓名詐爲首領行視呼出盡斬之烽不傳因卷甲疾趨大破之於尾丁磴回次檉楊溝正午駐營敵軍來可適所部纔八千轉戰至高嶺廼從間道趨洪德設伏邀其歸路敵至伏發衝之其國母踰山而遁焚棄輜重衆相蹈藉赴

厓澗死者如積論前後功至皇城使

宋史折德宸傳

張蘊字積之開封將家子也從軍爲小校歷知綏德懷寧順寧軍等

六城儲粟至三十萬斛將兵取宥州破夏人於大吳神流堆宥州
監軍引鐵騎數千趨松林堡蘊諜知之頓兵長城嶺以待戒諸部
曰賊遠來氣盛少休必困困而擊之必捷果以勝歸夏人寇順寧
蘊置伏陜中約聞呼則起俘斬數百人獲馬械甚衆累遷皇城使

宋史
本傳

史吉延州指揮夏人猝至塞主押監引兵欲匿山中候敵去復歸吉
曰如城中百姓芻糧何吉不敢從塞主押監慙懼而返卒以完城

賈
志

陳安石字子監相州安陽人提點陝西刑獄攝帥鄜延能用諜者敵
動靜輒先聞嘗勅邊民戒嚴既而數萬騎奄至無所獲而去璽書

嘉之

宋史陳
貫傳

曲端字正甫鎮戎人歷秦鳳路隊將夏人入寇統制李庠捍禦駐兵

栢林堡斥堠不謹爲夏人所薄兵大潰端力戰敗之整軍還

宋史本傳

曲端在陝西甚有威望張魏公宣撫首擢用之金人萬戶婁室與

撒離曷等寇邠州端擊敗之至白店原又大敗之撒離曷乘高望

師懼而號哭金人因目之爲啼哭郎君

鶴林玉露

程迪字惠老開封人父搏古部廊延兵戰死永樂迪以門廕得官經

畧制置使唐重以敵迫近留迪提舉軍馬措置民兵以爲脩金人

自同州渡河或勸迪還蜀迪不從乃詣种氏諸豪謀率衆保險俟

其勢稍衰出奇擊之轉運使桑景詢知其謀以告唐重揭榜許民

擇險自固會前河東經制使傅亮建議當守不當避重從之以亮

爲制置副使去者悉還既而金兵益迫重乃以迪提舉永興路軍

馬措置民兵令迪行視南山諸谷將運金帛徙治其中因召土豪

集民兵以補軍籍會應募者衆亮語重曰人心如此奈何望風棄

去重大然之即檄諸司聽亮節制金人近城廸又欲選兵迎戰使
老稚得趨險尚可活十萬人亮執議城守金人四面急攻廸率諸
司及統制偏裨以下東鄉會盟誓不與敵俱生慷慨嗚咽同盟皆
感泣城破亮出降衆潰廸率其徒行徇於衆曰敵讐我矣降亦死
戰亦死弩力與鬪憤怒大呼士皆感奮多所斬殺廸冒飛矢持短
兵接戰身被創幾徧絕而復蘇猶厲聲叱戰不已遂死之麾下士
舁置空室中比屋皆燼室獨不火乃斂容色如生詔贈明州觀察

使謚忠愍

宋史唐重傳附

劉宣爲秦鳳路兵馬都監金人入關陝宣遣蠟書密與吳玠相約且
率金將任拱等以所部歸朝有告之者金人取宣縷臂之家屬配

曹州

宋史本傳

牛皓福津人爲武功大夫川陝宣撫後軍中部將紹興五年金撒離

曷與慕洧欲犯秦川宣撫副使吳玠遣諸校分道伺之皓至瓦吾谷與金將虎山遇皓所部步卒不滿二百乃下與戰謂其徒曰吾所以舍馬者欲與若等同死也力戰死有承信郎高萬且罵且戰與宣撫司隊官秦元薛琪張亨皆死於陣後皓贈翊衛大夫贈萬等三官

宋史本傳

曹友聞字允叔同慶栗亭人登寶慶二年進士授利州駐劄御前諸軍統制北兵破沔州擣大安友聞遣摧鋒統制王資踏白軍統制白再興趨鷄關隘左軍統制王進據陽平關友聞登溪嶺指揮甫畢兵突至遂遣進及遊奕部將王剛出戰又親率帳兵及背嵬軍突出左右馳射兵退友聞謂忠義總管陳庚及當可曰敵必旋兵攻鷄關隘宜急援之既而果以步騎萬餘攻隘庚以騎兵五百直前決戰當可將步兵左右翼並進王資白再興又自隘出戰蹀血

十餘里兵乃解去特授友聞兼沔州駐劄兼管關外四州安撫權知沔州節制本府屯戍軍馬明年友聞引兵扼仙人關諜聞北兵大至友聞語萬曰國家安危在此一舉衆寡不敵豈容浪戰惟當乘高據險出奇匿伏以待之北兵入興元制置使趙彥呐檄友聞控制大安以保蜀口友聞議爲以寡擊衆非乘夜出奇內外夾擊不可乃遣萬友諒引兵上雞冠隘多張旗幟示敵堅守友聞選精銳萬人夜渡江密往流溪設伏約曰敵至內以鳴鼓舉火爲應外呼殺聲北兵果至萬出逆戰身被數創令諸軍舉烽友聞親率精兵三千人疾馳至隘下先遣保捷軍統領劉虎帥敢死士五百人衝前軍前軍不動元兵伏三百騎道傍虎衆銜枚突戰會大風雨淖淖深沒足內外兩軍皆殊死戰血流二十里黎明元兵益增友聞血戰愈厲與弟萬俱死軍盡沒贈龍圖閣學士賜廟褒忠謚曰

節

宋史本傳

金

蒲察胡蓋案出澣水人天會六年從婁室攻京兆以所部兵累與宋人接戰皆先登有功七年取邠州遇宋人二十餘萬我軍右翼少却時胡蓋爲左翼千戶摧鋒陷陣敵遂敗去敗張浚富平復有功授隴州防禦使鳳翔尹卒

金史本傳

活女完顏部人睿宗定陝西活女爲都統進攻涇州王開山以兵拒歸路邀戰再擊再敗之遂降京兆鳳翔諸縣

金史婁室傳

沃側

宗室麻吉子

從攻陝西爲右翼都統攻城破敵皆與有功師還正授

謀克遷華州防禦使屬關中歲饑盜賊充斥沃側募兵討平之部

以無事郡人列狀丐留

金史麻吉傳

徒軍合喜上京速蘇海水人皇統二年爲隴州防禦使以兵十五人

敗宋兵二百於高陵以兵八百人敗宋兵三千五百於鳳翔以二
謀克拒饒風闕宋兵二千來奪其關口奮擊敗之諸軍乃過險再
徙延安尹是時關陝以西初去兵革百姓多失業合喜守之以靜
民多還歸者大定二年爲陝西路統軍使未幾改元帥右都監表
陳伐宋方畧詔許以便宜從事轉左都監破宋兵於華州隴商等
州府一十六盡復之陝西平詔書獎諭賜以玉帶

金史
本傳

李木魯阿魯罕隆州琵琶葛山人累擢陝西路統軍使兼京兆尹陝
西軍籍有闕舊例用子弟補充多不堪用阿魯罕於阿里喜旗鼓
手內選補軍人以春牧馬經夏不收飼瘠弱多死阿魯罕命以時
收秣之死損者少仍春秋督閱軍士騎射以嚴武備終南采漆者
節其期限檢其出入以防奸細上謂宰相曰阿魯罕所至稱治陝
西政績尤著用之雖遲亦可得數年力也

金史
本傳

斜烈名鼎字國器畢哩海世襲猛安年二十以善戰知名鎮商州威望甚重敬賢下士有古賢將風初至商州一日搜伏於大竹林中得歐陽修子孫并其族屬鄉里三千餘人皆縱遣之

宋史本傳

烏古論慶壽河北西路猛安人歷同知延安府貞祐四年遷元帥右監軍兼陝西統軍使駐兵延安敗夏人於安塞堡戰於鄜州之倉

曲谷有功

金史本傳

朮甲脫魯灰上京人貞祐七年秋改授小關子元帥屯商州大吉口九年春從行省叅政徒單吾典將潼關兵入援至商山遇雪元兵邀擊之士卒凍餒不能戰而潰脫魯灰被執不屈援佩刀自殺

金史

本傳

楊沃衍一名幹烈賜姓元林荅朔州靜邊官莊人貞祐三年奉旨屯涇邠隴三州沃衍分其軍九千人爲十翼五都統親統者十之四

興定元年詔陝西行省伐宋沃衍將兵至岐山堡斬首四百級生
獲十人馬二百疋甲仗不勝計尋復得散關詔遷官一階三年武
休關之捷沃衍功居多詔特遷一官元光二年春北兵遊騎數百
掠延安而南沃衍率兵追之戰於野猪嶺獲四人而還俄而兵大
至駐德安寨復擊走之未幾元兵攻鳳翔還道出保安沃衍遣提
控完顏查剌破於石樓臺前後獲馬二百符印數十詔有司論賞
時元兵聲勢益振行省檄沃衍清野不從曰若清野明年民何所
得食遂使民畢麥事初元兵破西夏長驅而至關輔千里沟洫不
安沃衍與部將劉興哥率兵往來邠隴間屢戰屢勝故元兵猝不

能東下

金史本傳

完顏醜和

鳳翔萬戶

元光二年四月丁丑以死節贈懷遠大將軍授刺史

職

金史宣宗本紀

任福爲沔城縣軍官宣宗時元兵下沔城福死之

續文獻通考

元

王會字彥嘉新野人至正間爲富平守禦時郵亭供費浩繁人甚苦之會易以市廛俾得息肩又疏永潤濱河諸渠灌田旱不爲虐遇雨山水溢輒壞良田教民築隄賴以無患

賈志

明

耿忠江南鳳陽人洪武九年詔統鳳陽軍萬餘人屯戍關內而駐控

武功號令嚴明士母敢易暇日問俗廣教民興禮讓學校城郭皆

所議置旋師之日父老送者萬計

武功縣志

忠鎮陝西率謫戍人及延

慶騎士繕城守時軍衛草創密邇蒙古忠招來降撫恩威兼施不

爲擾害人賴以安

雍大記

姚厚其先興化人永樂二年上以潼關要地調掌衛事命每歲正旦

入朝且許乘傳往來是年冬秦王入朝夜至關呼門甚急厚曰深夜不得啓也王怒止關外至京泣訴於上曰姚指揮慢朝廷夜不容臣入關上微哂未浹旬適厚至朝正旦上顧左右曰姚指揮鎖鑰臣也賜寶鈔奸細撒伏臘假僧過關厚獲斬之言官交論厚不當先誅奸細上曰誅奸細則軍威大振指揮是也十八年四月卒

上悼惜之

苑洛集

湯引勣字公讓東甌襄武王曾孫成化初充叅將守禦延綏孤山堡無城戍卒不習戰丁亥八月虜大掠子女而東率麾下百餘人邀

於境上力戰死

列朝詩集

張鎮鳳陽定遠人延安衛指揮使膂力絕人每戰必捷生擒刺麻台

被賊圍射落馬支解之

賈志

劉潮榆林人以都指揮僉事協守延綏有文武材

延綏鎮志

田忠西安左衛指揮廉潔不阿弘治間御史李興於朔日陰試其守
曰官廉直者勿跪忠輒起獨立未幾興單騎至其家四壁蕭然乃
嘆息而去

西安府志

傅瑛綏德衛指揮使成化元年設鎮立堡命瑛督工清廉自持二年
以功陞都指揮僉事八年守定邊有功授都指揮同知以紅鹽池
之捷陞都指揮使二子釗鐸釗蔭瑛爵屢立戰功正德初命統延
綏義軍往來破敵有良將風鐸長於謀勇詞翰兼優以平洛川叛
賊授都指揮數以寡勝衆一門孝友尤爲當時所稱

賈志

閻文靈壁人延安衛指揮使知兵法累立戰功

馬志

孫隆江南和州人延安衛指揮同知性清儉不事產業謀勇過人邊

功顯著累官至叅將

延安府志

雲海西安指揮使正德中領步卒三百勦賊會於二州埡賊衆若林

卒皆股慄海以忠義激之遂死戰援兵不至數戰失利手刃十餘

賊而死毅廟嘉其忠命於常祭外再祀之歲以爲常

興安州志

李勲綏德衛指揮歷陞都指揮同知充右叅將分守延綏素嫻將畧

知險要恩威並著

延安府志

李懷信山西大同人任定邊副將知勇兼優每戰躬先士卒斬馘無

算西邊倚重

延綏鎮志

杜希茂榆林人鎮靖叅將時值饑荒居民流離無以復業希茂百計

招勸市牛給種開懇邊外沃地勞來脩至復欵結北人并無侵掠

數年後遂大稔

延綏鎮志

殷尚賢北直天津人襲父職充遊擊將軍駐延安時內盜外訐四野

洶洶遊擊爲一時創設兵皆市人不習練尚賢厲志忠武身先士

卒嚴刁斗多間諜而叅以遁甲孤虛諸法屢殲黠敵諸鎮之兵延

安稱強

賈志

辛忠和州人延安衛千戶少遊郡庠知兵法遇敵輒有功累陞都指

揮同知

延安府志

彭清綏德人任延綏副總兵分守黃甫川敵擾邊清征討有功陞都

督僉事佩總兵印以清謹見稱

舊志

王威綏德衛人鎮守延綏勇畧過人敵不敢犯一門多將材死於王

事

舊志

魏祥榆林叅將嘉靖十四年吉囊入榆林古北口祥出兵禦敵力戰

而死

續文獻通考

劉梅延綏副總兵嘉靖三十二年北人入邊梅出戰死之

續文獻通考

楊璘嘉靖中任神木叅將統兵至胡勝家塢對敵奮不顧身矢盡弦

絕力戰死立祠

延綏鎮志

任繼業西安衛指揮使萬曆中任漢中守備茶徒作亂大肆焚掠繼

業率兵勦之山路險峻賊突至兵盡散走繼業力戰死

漢中府志

史見萬曆中任神木營叅將時定邊大舉入犯見應援馬蓮井力戰

不克歎曰今日可以報主矣遂歿於陣賜祭建愍忠祠

延綏鎮志

崔嵩榆林衛指揮使歷官叅將器宇豪邁膽勇過人能以寡敵衆初

守定邊點軍數千人一目即終身不忘每戰陣見不用命者輒呼

其名曰回營行法由是軍士畏威莫不盡力嘗有敵持酒肴至城

下呼曰汝太師敢與吾對酌乎嵩即單騎出城挺兜鍪下馬據行

床與之對酌如識平生敵出妓歌舞以爲笑樂敵竟嵩任未嘗一

至定邊嵩以此知名一日以百騎出遇敵騎千餘嵩謂其下曰敵

衆我寡一走即成擒矣乃據高岡下馬解鞍以示暇逸敵欲乘其

不意見軍甚整不敢躡而去

延綏鎮志

曹文詔山西大同人膂力絕人賊咸憚之崇禎二年以援京師有功

補延綏東路副總兵其冬土賊王嘉引聚衆爲亂攻陷木瓜園堡

渡河掠菜園溝文詔擊却之追斬之於陽城陞臨洮總兵官

延綏鎮志

崇禎八年流寇高應祥張獻忠等率賊數十萬刼掠州郡破隴州

扶風鳳翔趨郿縣文詔同孫守法協力擊之於盤屋南山下大破

之生擒高應祥獻俘京師獻忠遁入蜀

舊志

閻調化商州人武進士署商防守事崇禎六年冬流寇入洛奉檄率

標兵禦之縣東南賊衆薄壓橋嶺調化麾兵以進賊繞出其背遂

執焉賊愛其驍勇拘係三日誘之使降調化憤罵不屈而死

維南縣志

史大勲長安人崇禎七年秋以守脩率兵防洛時值亂罕知守禦大

勲悉教以乘陣之法賊抵縣大勲督兵迎之無不一當百者大勲

馬蹶易卒馬戰甚力賊繞山圍之馬復蹶被執急顧二卒曰吾家

世受國恩無降理爾速告縣令賊必直侵邑城可依吾法固守賊
遂殺大勲直趨縣令聞卒言移關廂民入城嚴守夜未半賊薄城
下攻之不克焚西關而去後守禦一如大勲指賊衆環攻不能克

城遂獲全

雒南縣志

曹雲梯寧羗衛鎮撫崇禎八年寇陷城雲梯分守東角樓殺賊數人

被執罵賊死

舊志

徐大行寧羗衛指揮崇禎十年闖賊陷城大行守東角樓持刃殺賊
衆寡不敵被執大行執刀大罵匿印不與鞭笞百端至斷其手刀

乃墜劍其心肉罵不絕遂死事聞贈卹

舊志

王履泰寧羗衛指揮同知崇禎八年寇夜半陷城履泰堅守敵臺隻
身與戰殺賊十餘人賊莫敢攖乃圍之數重天明焚敵樓履泰從
敵樓躍下復與賊戰力不能支遂死

賈志

范于殷山東人武進士崇禎九年任漢中守脩多力善射喜談忠孝

節烈事逐賊至經瓦舖殺數騎矢盡被執罵賊不屈死

漢中府志

楊廉臨潼人崇禎十一年任漢中守脩負膽氣沉默少言與賊戰於

漁渡壩死之

漢中府志

彭述謨山西鎮西衛百戶任木瓜園守脩有膂力崇禎十三年土賊

閻三海倡亂潛夜劫營堡城陷死之

延綏鎮志

劉光先榆林安邊堡人歷陝西督標副將崇禎十六年冬逆闖入關

西安破光先轉戰至渭水上賊遣人欲說降之不聽集麾下士卒

從容為說大義即自沉於河而死妻王氏聞難亦投井死一家死

難者五十餘人子自昌以居季父家獲免

紀忠碑

崔爾達西安右衛指揮西安城陷投井死後加恩卹

續表忠記

尤翟文定邊副將勇敢善戰臨敵不事刀斗賊素知其名及圍城時

翟文屬其徒千人開南門出戰賊為辟易顧見翟文所將盡步

因招聚復進翟文力戰歿

延安府志

劉廷傑綏德人進士為廷綏撫標叅將以防寇駐綏德設武備謹斥堠不辭勞怨已而闖賊至廷傑回鎮激以大義遂與榆林諸將士固守未幾城陷被執賊謂之曰若能降仍以若為大將廷傑怒曰曰為朝廷守城者我也寧死不貽君父羞賊怒支解之父彛鼎聞之嘆曰吾有子矣

延安府志

按師中之寄固以節鎮為主而扼要守險碁布星羅亦實惟將弁是賴其事蹟彪炳者列傳如右若明陝西都司費銘失其籍廷綏都指揮僉事李永定榆林人延安衛都指揮劉傑失其籍周誠順義人張鵬定遠人雖賢聲未泯然事蹟已不能詳僅留姓氏以備考云

本朝

惠應詔永平人前薊遼督標副將順治元年英王畧地西狗應詔
首先歸誠二年正月招降延寧甘固諸營堡嗣因西安會省要
地留守重任督撫合疏請以副將管城守事西安洊經寇禍軍
實久虛芻糧器械焚棄殆盡應詔視事閱月壁壘一新又闖逆
所掠子女露宿風栖啼號遍野應詔收問鄉貫行移郡邑俾得
各歸桑梓遠近歡聲如雷是年冬賀珍餘孽復熾圍西安應詔
悉力固守三年正月率兵擊賊城下大敗之賊始遁尋陞成都
總兵官以收潼川綿州功授二等阿達哈哈番世襲四次
仙九明河州人順治八年任紫陽路遊擊時邑多寇患九明出奇
計屢敗之寇負固山中又掘地搗巢賊悉就縛民害遂除陞蔚
州營叅將

王國宗

韓城志作王宗國

寧夏人神道嶺把總駐防邵陽葺營壘省供億

軍伍晏然其子惠閭閭甚於愛惜士馬邑人德之勒石以誌不

忘

魯仁圻會稽人以守脩署興鎮右營把總又署漢鳳營千總康熙

十三年吳逆兵至城陷被執不屈死事

聞贈威烈將軍

賜祭墓廕一子

劉士英河間人官定邊營守脩朱龍之亂弁兵皆降附士英不屈

賊怒下士英獄已而令出與家人計議士英至家乃積薪舉火

悉取衣貲投火中家人從之遂自剄未絕復擲身入火死妻妾

郭氏李氏俱死之

偏圖正白旂滿洲人康熙十三年以勇敢揀選赴陝西軍前効力

授都司僉書是年冬賊犯三原總督哈占檄圖往勦之遇賊於頭寨斬其魁李長腿餘皆潰去十四年春王輔臣叛圖隨揚威將軍阿彌達征之克瓦雲驛復涇州俱力戰殺賊甚衆獲其僞總兵一人又敗賊于靈臺取陶家堡四月別隨副都統鄂克濟等赴寧州開通糧運賊將郭永福等逆戰兵甚盛圖先登陷陣連敗之功最多八月與大軍會於平涼賊將高鼎據南山期入城與輔臣合圖與統領夯奇奪取南山鼎無所歸走華亭遇定西將軍孫思克遂降十月復華亭縣論功授陝西督標右營遊擊十五年二月總督哈占檄圖救山陽夜於乾溝峪遇賊圖力戰破之遂入山陽還至商州又敗賊將李茂榮於二岔口商洛稍定是年五月撫遠大將軍檄圖領兵屯北虎山墩以絕固原糧運之赴平涼者圖防守甚嚴賊不敢過平涼城中食盡王輔

臣遂自縛歸罪大將軍上其功陞授潼關副將是時興漢尚未克復奉

旨令圖仍留督標遇缺另補以資援勦是年十月大將軍給圖總兵官劄令其規取興安賊將楊文端領衆三千餘在鎮安聞圖將至即遁去圖尚未至興安大將軍以舊縣關地險要且當賊衝復檄圖領兵即在關駐劄防禦十六年夏補授督標中軍副將仍駐舊縣關十七年大兵由關山入圖爲軍鋒至小嶺與賊戰圖奮勇陷陣奪其三營遂復香泉等處十八年十月大將軍令圖總統綠旗官兵攻取興安至兩河關賊阻河結營自固圖出其不意策馬徑渡連破其七營斬獲無算賊衆一時解散賊將韓晉卿望風遁走遂復興安併收取漢陰石泉降其僞將軍一人總兵二人圖雖以勇敢力戰立功然所至能留心地方在舊

縣關時適歲祲饑甚圖捐貲糴穀散賑全活頗多尤爲難得云
後隨勇畧將軍趙良棟收復滇蜀功尤著歷陞西寧總兵雲南
提督鑲白旂都統五十五年卒

賜祭葬予謚立碑

張國彥京衛人幼習韜畧善騎射登武進士累功擢波羅營副將
康熙十四年朱龍據定邊延郡州縣營堡望風響附國彥移書
延綏鎮總兵許占魁約共固守賊欲攻鎮城以波羅未下畏國
彥議其後乃悉衆赴波羅城陷國彥死之

陳紀範葢州人由鑲白旗佐領任西鳳協副將康熙五十七年七
月調兵征藏十六日紀範率督標兵出西寧二十一日遇賊中
噶兒被圍紀範力戰自辰至申殺傷甚衆會日暮後軍不繼紀
範單騎突圍中鳥銃傷脅墜馬復騰起大呼殺賊賊大至遂遇

言

學習進士吳傳政

1740

1740

